

Erngup imigassap pitsaassusia aamma imermik pilersuiviit nakkutigineqarnerat pillugit Namminersornerullutik Oqartussat nalunaarutaat nr. 7, 17. marts 2008-imeersoq

Avatangiisit innarlitsaaliorneqarnissaannik Inatsisartut peqqussutaanni nr. 12-imi 22. december 1988-imeersumi § 7, imm. 2, nr. 1 aamma 2, § 15, § 30 a aamma § 46, imm. 2 naapertorlugit kingusinnerpaamik Inatsisartut peqqussutaatigut nr. 8, 15. november 2007-imeersumi aammalu Inuussutissanik nersutillu nappaataannik inunntut tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersumi § 3 a, § 4 a, § 6, § 9 a, § 11 a, § 15, imm. 2 naapertorlugit kingusinnerpaamik Inatsisartut peqqussutaatigut nr. 9, 31. maj 2001-imeersukkut allangortinneqartumi, aalajangersarneqarput:

Kapiteli 1

Atuuffii nassuiaatillu

§ 1. Nalunaarummi matumani aalajangersarneqarput:

- 1) Pitsaassutsikkut piumasaqaatit, inuussutissalerinermi imermut imerneqartartussamut, imermut sukuluiagaanngitsumut imermullu atorneqartussat naammassineqarsimasussat.
- 2) Misissuinerit suut, taakkununga ilanngullugit misissugassanik misissoqqissaagassanillu tiguserit qanoq akulikitsiginissaat, imermut sukuluiagaanngitsumut aamma imermut imerneqartartussamut tunngatillugit suliarineqartartussat.
- 3) Qanoq iliorluni erngup imerneqartartussap pitsaassusaanik nakkutilliisoqarlunilu misissuisoqartassanersoq.
- 4) Piumasaqaatit allat suut, ilassutaasumik aalajangiisartunik misissueqqissaarinissami piumasaqaatigineqarsinnaanersut, nalunaarummi matumani taaneqanngitsut.
- 5) Erngup annertussusaat pissarsiarineqartut qanoq iliorlutik misissorneqartassanersut, takuuk ilanngussaq 2A-C.

Imm. 2. Nalunaarummut ilaatinneqanngillat:

- 1) Imeq sukuluiagaanngitsoq siunertanut atorneqartartoq, atuisut peqqissusaannut toqqaannartumik toqqaannanngitsumilluunniit sunniuteqartartoq, imaluunniit uumasunut imissatut atorneqartartoq.
- 2) Imeq sukuluiagaanngitsoq imerlu imerneqartartoq, nakorsaattit atorneqartartoq.
- 3) Aasaanerani erngup aqqutai, nalinginnaasumik imermik pilersuinermut inuussutissalerinermulluunniit pilersuinermut ilaatinneqartanngitsut.
- 4) Imermik pilersuiviit, ullormut unnuamullu ataatsimut 10 m³ inorlugu pilersuisartut arrortinneqarsinnaanngitsunik akoqarneranut aalajangiisartut eqqarsaatigalugit ilanngussaq 1B-miittut.

§ 2. Nalinginnaasumik inuussutissaleriffinnullu imermik pilersuiviit nalunaarut manna naapertorlugu pisortanit nakkutigineqartartussanut ilaatinneqarput.

Imm. 2. Imermik pilersuiviit allat, § 5, imm. 3 malillugu, nalunaarut manna naapertorlugu pisortanit

nakkutilliisarnermut ilaatinneqanngitsut, takukkilli §§ 31-33 aamma 36.

§ 3. Nalunaarummi matumani imatut paasineqassapput:

1) Imeq imerneqartartoq:

a) Erngit qanorluunniit ittut suliarineqarsimasut suliarineqarsimanngitsullu inunnoortut, illumi iganermi atugassiat, paaqqinnittarfinnut namminersortunut pisortanillu pigineqartunut, assersuutigalugit atuarfiit, napparsimaviit, paaqqinnittarfiit kiisalu aningaasannanniutigalugu siunertanut, soorlu neriniartarfinnut, akunnittarfinnut, angalasut unnuisarfiinut aamma mittarfinnut.

b) Erngit qanorluunniit ittut inuussutissaleriffinni tunisassianik sananermi, passussinermi aanaveersaanermi imaluunniit akuutissani nerisassatut aalajangiussani atorneqartartut.

2) Imeq sukuluiagaanngitsaq: Imeq salinneqanngitsaq, pilerfimmunit qanoq ittuunera apeqqutaatinnagu pinngoqqaarnerminiillu imermik imerneqartartussanik pilersitsinermi atorneqarsinnaasoq.

Assersuutigalugit imeq tatsineersoq, imeq nunap iluaneersoq, imeq tarajulik aamma sermersuup sermitaanit aassimasumeersoq.

§ 4. Nalunaarummi matumani imatut paasineqassapput:

1) Imeqarfik: Taaguut paarlakaallugu atorneqartartoq imermik sukuluiaavimmut aamma imermik tigooraavimmut, akuttunngitsumillu atorneqartartoq taagutitut inatsisiliornikkut immikkoortumut, tassunga atuisut akiliuteqartarput.

2) Imermik tigooraaviit: Imermik kuuffilerlugit tigooraaviit, qilikkat, puilasuat, imermik sukuluiagaanngitsumik pumpilerlugit tigooraaviit aamma erngup sukuluiagaanngitsup aqquai.

3) Imermik sukuluiaaviit: Suliarinnittarfik tassani imeq sukuluiagaanngitsaq salinneqartarluni imertut imerneqartartussatut atugassanngortinniarlugu. Imermik sukuluiaaviit immikkoortunik makkuninnga sananeqaateqarsinnaavoq: Imermut sukuluiagaanngitsumut tankit, silaannalersuisarfiit, nakkartitsiviit, minguaaviit, tappiorannartunik unerartitsiviit, imermut mingoqanngitsumut tankit, kuutsitsiviit, tarajuaaviit, aassisarfiit ilaalu ilanngullugit.

4) Imermik pilersuviit: Suliarinnittarfik ataatsimik arlalinnilluunniit tulluittunik immikkoortortalik: Imermik tigooraaviit, imermik sukuluiaaviit kiisalu pingaarnerusutigut aasaanerani erngup aqquai. Imermik pilersuviit imermik tigooraavinnik arlalinnik imermik pilersuisunik sananeqaateqarsinnaavoq.

§ 5. Nalinginnaasumik imermik pilersuivittut paasineqassapput pisortanit illoqarfinnik nunaqarfinnillu imermik pilersuviit.

Imm. 2. Inuussutissaleriffiit imermik pilersuivii paasineqassapput imermik pilersuivittut, taamaallaat inuussutissaleriffinnut imermik pilersuisut.

Imm. 3. Imermik pilersuviit allat paasineqassapput illoqarfiit nunaqarfiillu killeqarfiisa avataani imermik pilersuivittut.

§ 6. Pingaarnerusutigut erngup aqquataa paasineqassaaq erngup kuuffiatut, imeqarfimmiik erngup aqquataanut pingaannginnerusunut, imertarfinnut qatserisartullu imermik tigusisarfiinut imermik suliarineqarsimasumik ingerlatsivittut.

Imm. 2. Aasaanerani pingaarnerusutigut erngup aqquataatut aamma aasaanerani erngup aqquataatut pingaannginnerusutut paasineqartarput erngup kuuffii, ataavartumik atorneqartartuunngitsut.

Imm. 3. Erngup aqquataatut pingaannginnerusutut paasineqartarpoq kuuffik, pingaarnerusutigut erngup aqquataanik imermut atortulersuummut atassuserneqarsimasooq. Erngup aqquataa

pingaanginnerusq tamatigut inuinnarnik pigineqartartuuvoq, aamma pisortat illuutaannut soorlu assersuutigalugit atuarfinnut, napparsimavinnut paaqqinnittarfinnulluunniit imermik pilersuisusooq.

§ 7. Illuni imermut atortulersuutitut paasineqassapput atortulersuutit, imermut imerneqartartumut atorneqartartut aamma:

- 1) aasaanerani erngup aqputaa pingaanginnerusq, pingaarnerusumik erngup aqputaanut atassuserneqarsimasooq,
- 2) imermut tanki aamma
- 3) ruujorit, ruujorinut atortuusinnaasut tamaasa, atassuteqaatit ilaalu ilanngullugit.

Imm. 2. Imermut tanki, takuuk imm. 1 nr. 2 paasineqassaaq atortulersuutitut, imermik imerneqartartumik imermik assartuummit imaluunniit aasaanerani erngup aqputaanit pingaanginnerusumit pilersorneqartartoq, illumilu imermut atortulersuutinut attavilerneqarsimasooq. Imermut tanki tamatigut inuinnarnik pigineqartartuuvoq, aamma pisortat illuutaannut soorlu assersuutigalugit atuarfinnut, napparsimavinnut paaqqinnittarfinnulluunniit imermik pilersuisusooq.

Imm. 3. Atuisut imermik atortulersuutaasut paasineqassapputa atortulersuutit tamarmiusut, illuni ingerlatseqatigiiffinniluunniit imermik imerneqartartumik agguuassisarnermut ilaasutut.

§ 8. Inuussutissalerinermik ingerlatsivittut paasineqassapput ingerlatseqatigiiffiit, inuussutissarsuutigalugu inuussutissanik, taakkununga ilanngullugit imermik imerneqartartumik puiaasanut allanulluunniit poorlugit suliarinnittartut, paarinnittartut, assartuisartut imaluunniit nioqquteqartartut.

§ 9. Ingerlatsinikkut nakkutilliinertut paasineqassaaq suliffeqarfimmi erngup pitsaassusaanik nakkutilliineq, annertussusiliinermik nakkutiginninneq assigisaannillu suliarinnittarneq imermik pilersuivinni ingerlatsinikkut sulisuusunik isumagineqartartunik.

Imm. 2. Ingerlatsinikkut allattaavittut paasineqassaaq ilaatigut ingerlaavartumik paasissutissanik katersisarneq, tassani imermik pilersuivinni ingerlatsinikkut sulisuusunit annikinnerpaamik annertussusiliinernik nalunaarsuisartut assersuutigalugit klorimik, sodamik, misiligutissatut tigusassanik erngullu pitsaassusianik uuttortaasarnernik ilanngussaq 3B naapertorlugu.

Imm. 3. Ingerlatsisuusutut paasineqassaaq inuk aaqqissuussinerluunniit, imermik pilersuivimmik ingerlatsinermut akisussaasooq.

Kapiteli 2

Oqartussaannermut akisussaasuunermillu tunngasut

§ 10. Nalunaarut manna naapertorlugu qitiusumik nakkutilliinikkut oqartussaasooq tassaavoq avatangiisinut, uumasuuteqarnikkut pissutsinut aamma peqqissuunermut naalakkersuisooq.

Imm. 2. Qitiusumik nakkutilliinikkut oqartussaasup atuisut ilisimatittassavai erngullu pitsaassusia pillugu nalinginnaasumik ilitersortassallugit.

Imm. 3. Imermik pilersuivinnut pisortanit nakkutilliinermut ilaatinneqanngitsunut, § 2 imm. 2 naapertorlugu, qitiusumik nakkutilliinikkut oqartussaasooq atuisunut pineqartunut ilitersuusiortassaaq erngup pitsaassusia pillugu paasissutissanik taassuminngalu illersuineq pillugu.

Imm. 4. Qitiusuunngitsumik nakkutilliisarneq peqqissutsimut naalakkersuisooqarfimmit

ingerlanneqartassaaq.

Kapiteli 3

Pisortanit nakkutilliineq

§ 11. Uumasuteqarnikkut pissutsinut naalackersuisoqarfimmit qitiusumik nakkutilliineq ingerlanneqartarpoq makkununga tunngatillugit:

- 1) Erngup imerneqartartup tappiorannartunik, uumasunik miluuttunik, nappaatinillu tunillaassuisartunik virusinik ilaallu ilanngullugit imaqarsinnaaneramik ilanngussaq 1A-mi pitsaassutsimut piumasaqaatit naapertorlugit aamma nakkutilliinerup qanoq akulikitsigisarnissaamik ilanngussaq 2A-C naapertorlugit.
- 2) Tunillannartuiaanerup pimoorussisuutiginera, tunillannartuiaammik atuiffiusuni.
- 3) Laboratoriat tappiorannartunik misissuisartuusut pitsaassutsimik qularnaarinniisarnermi periusaanik.

Imm. 2. Avatangiisinut Naalackersuisoqarfimmit qitiusumik nakkutilliineq ingerlanneqartarpoq makkununga tunngatillugit:

- 1) Erngup imerneqartartup akui pissusialu, kiisalu akoorutissanik imaqarnera ilaalu ilanngullugit ilanngussaq 1B-C-mi pitsaassutsimut piumasaqaatit naapertorlugit aamma ilanngussat 2A-C, 3A aamma 3B-imi nakkutilliinerup akulikissusii naapertorlugit kiisalu ingerlatsinikkut nakkutilliineq tunngavigalugu.
- 2) Imermik pilersuiviit, takukkit §§ 4-8, taakkununga ilanngullugit pilersuiviup aaqqissugaaneratigut atorsinnaassusatigut aserfallatsaalineqartarneratigullu qanoq ittueneri.

Imm. 3. Peqqissutsimut Naalackersuisoqarfimmit qitiusuunngitsumik nakkutilliineq makkunani isumagineqartarpoq:

- 1) Tappiorannartunik ilaalu ilanngullugit erngup pitsaassusianut tunngatillugu qanoq akoqartiginera, ilanngussaq 1A-mi pitsaassutsikkut piumasaqaatit naapertorlugit aamma ilanngussaq 2A-C-mi nakkutilliinerup akulikissusia naapertorlugu.
- 2) Tunillannartuiaanerup pimoorussaana, tunillaannartuiaatinik atuiffiusuni, tassunga ilanngullugit imermik misissugassanik tiguisoqartarnerata taakkualu misissoqqissaarneqartarnerisa qularnaarneqarnerat.

§ 12. Peqqinnissaqarfimmi nakorsaaneqarfimmit nakkutilliinermi oqartussaasoq siunnersorneqartarpoq qitiusumik qitiusuunngitsumillu nakkutilliinerani ilanngussaq 1A-C-mi pitsaassutsikkut piumasaqaatinut tunngatillugu aamma ilanngussaq 2A-C-mi nakkutilliinerup akulikissusissaanut tunngatillugu.

§ 13. Qitiusumik nakkutilliinermi oqartussaasumit § 10 naapertorlugu, peqqissaaveqarfimmi nakorsat qullersaat piginnaatissinnaavaa qitiusumik nakkutilliinermit isumaginnittaqqullugu § 11 naapertorlugu.

§ 14. Qitiusumik nakkutilliinermit oqartussaasumit imermik misissugassanik tiguisarnermi nakkutilliinerup akulikissusia sivitsorsinnaavaa sivikillisinnaalluguluunniit ingerlatsisuusup ingerlatsinikkut nakkutilliinermit naliliinerata kingorna, takuuk ilanngussaq 3A.

Imm. 2. Aalajangerneqarsimalerpat, ilanngussaq 1B aamma 1C-mi misissueqqissaarnikkut

aalajangiisartunit ataaseq arlallilluunniit pigineqanngippata, qitiusumik nakkutilliinermik oqartussaasumit imermik misissugassanik tiguisarnermi nakkutilliinerup akulikissusianik sivikillisitsisinnaavoq ingerlatsisuusumit avatangiisinut naalakkersuisoqarfimmut qinnuteqareernerata kingorna.

Kapiteli 4

Ingerlatsisuusup pisussaaffii

§ 15. Ingerlatsisuusumit qitiusumik qitiusuunngitsumillu nakkutilliinermik oqartussaasup peqqusineratigut imermik pilersuiffiup eqqaani imermik misissugassanik tigutsiviusartoq pillugu ilisimatitsisoqassaaq.

§ 16. Nalinginnaasumik imermik pilersuinnermut ingerlatsisuusup isumagisaraa erngup imerneqartartup akuinut pissusianullu tunngatillugu erngup pitsaassusiata nakkutigineqarnerani ingerlatsinikkut nakkutilliineq takuuk ilanngussaq 1B.

Imm. 2. Ingerlatsinikkut nakkutilliineq imermik suliarinnittarnermut, kiisalu erngup sukuluiagaanngitsup aamma erngup imerneqartartup pitsaassusianik nakkutilliinermi angusanut naapertuuttunngortinneqartassaaq

§ 17. Ingerlatsisuusup akisussaaffigaa qulakkiissallugit § 19, 20, 21 aamma § 23 equutsinneqarnerisut.

Imm. 2. Ingerlatsisuusumit akisussaaffigineqarpoq atortut, imermik pilersuivinnut ilaatinneqartut aammalu imermut atorneqartartut, taamaattuunissaminut akuersissutigineqarsimanerat.

Imm. 3. Qaqugukkulluunniit illumik piginnittuusup akisussaaffigaa, illumi imermut atortulersuutit malittarisassat naapertorlugit suliarineqarsimanerat.

Imm. 4. Imermik pilersuivinnut tamanut ingerlatsisuusoq, § 2, imm. 1 naapertorlugu, qitiusumik nakkutilliinermut oqartussaasumik piумаaffigineqarsinnaavoq erngup pitsaassusaanik ilanngussaq 3A naapertorlugu ingerlatsinikkut nakkutilliinermut periutsimik pilersitseqqullugu.

§ 18. Nalinginnaasumik aamma inuussutissalerinermik ingerlatsivinnut imermik pilersuivinnut ingerlatsisuusoq, qaqugukkulluunniit qitiusumik qitiusuunngitsumillu nakkutilliinermik oqartussaasut piginnaatissinnaassavai nalinginnaasumik soorluttaarlu ilassutaasumik imermik misissugassamik tiguisinnaanissaannut erngup pitsaassusianik nakkutilliinissamut kiisalu imeqarfiup aaqqissuunneqarneranik, ingerlanneqarneranik il.il. nakkutilliinissamut.

Kapiteli 5

Erngup pitsaassusissaanut piumasqaatit

§ 19. Imeq imigassatut atorneqartartoq, tappiorannartoqaranilu stoffinik akuugaanngitsunilluunniit allanik peqqinnissakkut navialissutaasinnaasunik ima annertutigisumik akoqassanngilaq, annikinnerpaamillu imermi tappiorannartoqarsinnaaneranut stoffeqarsinnaaneranullu ilanngussaq 1A-Cmi nalunaarneqarsimasutut killiliussanik equutsitsisimassalluni.

Imm. 2. Imm. 1-mut ilaatinneqanngilaq imeq imerneqartartoq avammut nioqqutissiornissaq

siunertaralugu tunisassiarineqarsimasoq.

§ 20. Imeq nalinginnaasumik imermik pilersuinermit pilersuutigineqartartup imaluunniit inuussutissalerinermik ingerlatsiveqatigiiffinni atorineqartartup, pitsaassutsissakkut piunasaqaatinik eqquutsitsisimassaaq sumiiffinni tulluuttuni § 19-imi aalajangersarneqarsimasuni:

- 1) Imeq imermik pingaarnerusutigut aqquutinit, pisortat imertartarfiinit, biilinit tankilinnit aamma umiarsuarnit tankilinnit kuutsinneqartartoq.
- 2) Imeq puiaasanut poortuutissanulluunniit allanut immiunneqartartoq.
- 3) Imeq inuussutissalerinermik ingerlatsivimmit atorineqartartoq.

§ 21. Erngup sukuluiagaanngitsup pitsaassusia, ingerlatsisuusumit qinnuteqaateqareernikkut atorineqalinnginnermini qitiusumik nakkutilliinikkut oqartussaasumit akuersissutigineqarsimassaaq, takuuk ilanngussaaq 2A.

§ 22. §§ 19-21 naapertorlugit misissuinermit angusat takutippassuk, erngup pitsaassusiata nalunaarummi matumani piunasaqaatit naapertunngikkai, ingerlatsisuusumit erniinnartumik qitiusumik nakkutilliinermik oqartussaasoq ilisimatinneqassaaq.

§ 23. Ingerlatsisuusumit imermik misissugassat laboratorianut, taamaasiornissamut qitiusumik nakkutilliinermik oqartussaasunit akuersissutigineqarsimasunut nassiunneqartassapput.

Imm. 2. Ingerlatsisuusooq imermik misissugassanik tiguisassaaq laboratoriami imermik misissuisarnermut ilitsersuut naapertorlugu. Imermik misissuisarnermut ilitsersuut qitiusumik nakkutilliinermik oqartussaasunit akuersissutigineqassaaq.

Imm. 3. Erngup pitsaassusaanik nakkutilliinissami peqqissaaveqarfimmi nakorsat qullersaanit imermik misissugassamik tiguisarneq isumagineqartassaaq tappiorannartoqarneranut kiisalu tunillannartuiaanerup pimoorussamik ingerlanneqarneranut atatillugu, ilanngussaaq 1A-mi pitsaassusissamut piunasaqaatit naapertorlugit aamma qanoq akulikitsigisumik nakkutilliisoqartarnissaa naapertorlugu ilanngussaaq 2A-C malillugu misissueqqissaarnermi periutsit ilanngussaaq 4-imiittut atorlugit.

Imm. 4. Ingerlatsisuusup ingerlatsinermit nakkutilliineq tunngavigalugu erngup sukuluiagaanngitsup aamma erngup imerneqartartup akuinut pissusianullu pitsaassutsimut piunasaqaatit ilanngussaaq 1B-C-miittut aamma nakkutilliinerup akulikissusissaanut ilangussaaq 2A-C, 3A aamma 3B-tut naapertorlugit imermik misissugassamik tiguisarneq isumagisassavaa.

Imm. 5. Imm. 1-miit 4-imut ilaatinneqanngillat imermik misissueqqissaarnerit uuttortaanerillu, sumiiffimmi ingerlanneqartut ingerlatsisuusumik nalinginnaasumik aamma inuussutissalerinermik ingerlatsiviit imermik pilersorneqarnerinut atorineqartartut, taamatut ulluinnarni ingerlatsinikkut nakkutilliinermut atatillugit. Qitiusumilli nakkutilliinermut oqartussaasoq qaqugukkulluunniit piunasaqaateqarsinnaavoq taamatut misissueqqissaarnerit uuttortaanerillu pitsaassuseqarnissaanik, kiisalu ingerlatsisuusup suliffeqarfimmi pitsaassutsimik nakkutilliisarneranut, takuuk ilanngussaaq 3A.

Kapitli 6

Imermik misissugassanik tiguisarnermut nakkutilliinerup akulikissutsit

§ 24. Qitiusumik nakkutilliinermik oqartussaasumit aalajangersarneqartarput nalinginnaasumik aamma inuussutissalerinermik ingerlatsiviit imermik pilersorneqarnerinut atorneqartartut nakkutigineqartarnissaanut akulikissusissaat makku tunngavigalugit:

- 1) erngup sukuluiagaanngitsup aamma imerneqartartup pitsaassusia, takuuk ilanngussaq 1A-C,
- 2) imermik pilersuinerup annertussusia, takuuk ilanngussaq 2B-C, aamma
- 3) maannakkorpiaq imermik suliarinnittarneq.

Imm. 2. Imermik misissugassanik tigusisarnermut nakkutilliinerup akulikissusissaa aalajangersarneqassaaq, taamaasilluni misissueqqissarnermi angusat ukioq kaajallallugu erngup pitsaassusianut sanilliunneqarsinnaaniassammata, upernaakkut, aasaanerani naasut naalernerinut naapertuuttunngortillugit, ukiakkut ukiukkullu sikulerneranut naapertuuttunngortillugit aamma sapaatip akunnerata ulluisa aamma ullup unnuallu ingerlanerata assigiinngissusaanut naapertuuttunngortillugit.

Imm. 3. Misissugassanik tigusisarnerit sapinngisamik piffissamut sumiiffimmillu assigiiaartunngortillugit agguataarneqarsimassapput. Taamaattumik erngup aqquataani ingerlaavartumik nakkutilliinerup ingerlanneqartarnissaanut arlalinnik paarlakaajaartitsilluni sumiiffinnik misissuiffiusartussanik toqqaasoqartassaaq.

Imm. 4. Ilangussaq 2B-C naapertorlugit nakkutilliinissap akulikissusissaa annikillisinneqarsinnaavoq, qitiusumik nakkutilliinermut oqartussaasut nalilerpassuk, misissugassanik tigusat arlallit imminnut maliinnartut takutitsisut, pitsaassusissaatut piumasaqaatit oqaatigineqarsimasunit assigiiaartunik annikinnerusunillu akoqarneranik uppernarsaatissaqartoq, kiisalu killiliussatut oqaatigineqartup iluani mingutitsissutaasunik, imermik sukuluiagaanngitsumik aamma imerneqartartumik mingutsitsisoqarsinnaanerani navianaataasinnaasunik takutitsisoqanngippat. Annikinnerpaamilli ukiut arfineq-pingasunngorneri – ukiut qulinngorneri tamaasa nakkutilliinermik misissugassanik tigusisoqartassaaq, ilanngussaq 1B-C naapertorlugit uuttuut/aalajangiisuusqinut/aalajangiisuusunut tamanut misissoqqissaarneqartussanik.

Kapiteli 7

Aningaasartuutit, ingerlatsinermut allattaavik, nalunaarutit taakkuninngalu nalunaarutiginnittarnerit

§ 25. Tappiorannartunut uuttuutunik/aalajangiisuusunik misissugassanik tigusisarnermut misissuisarnernullu aningaasartuutit taamaallaat peqqissutsimut naalakkersuisoqarfimmit akilerneqartarput, takuuk ilanngussaq 1A nalinginnaasumik imermik pilersuinerup atatillugu.

Imm. 2. Erngup akuinut pissusianullu uuttuutunik/aalajangiisuusunik misissugassanik tigusinermut misissuinernullu aningaasartuutit ingerlatsisuusumit akilerneqartarput, takuuk ilanngussaq 1B-C.

§ 26. Nalinginnaasumik inuussutissalerinermillu ingerlatsiviit imermik pilersuiviinut ingerlatsisuusq ingerlatsinermut allattaavimmik allattuisassaaq. Ingerlatsinermut allattaavik makku pillugit paasissutissanik imaqaassaaq:

- 1) soda-mik, klor-imik, kalkimik tunisassianik aamma kitsiisarnissamut akoorutunik annertussusiliisarnermik annertussutsit,
- 2) imermik pilersuivimmik nakkutilliisarneq,
- 3) imermik pilersuivimmi ajornartorsiutaasinnaasut aamma

4) allat, erngup pitsaassusaanut pingaarutillit aamma innuttaasunut inuussutissalerinermillu suliffissuaqarfimmut erngup pilersuutigineqartup annertussusia.

Imm. 2. Ingerlatsinermut allattaavik ingerlatsinermut akisussaasumit atsiorneqarsimassaaq sivikinnerpaamillu ukiuni tallimani paarineqartassalluni.

§ 27. Ingerlatsisuusumit pineqartumi nakkutilliinermut oqartussaasumit piumaffigineqarnermini takutissinnaassavai:

- 1) Ingerlatsinermut allattaavik ingerlatsinerup nalilerneqarnissaanut uuttortaanerit ilanngullugit.
- 2) Pingaarnerusumik engup aqquataanut takussutissiat aamma aqquutit isorisinnaasaat matusat imermik misissugassamik tigussiffiusartunut paasissutissartalerlugit.
- 3) Ingerlatsinikkut- aamma teknikkikkut eqqiluusaarnissamut paasissutissat tappiorannartorsiulluni nakkutilliinermi sumiissusersiuinermut pingaarutillit.

§ 28. Nalinginnaasumik inuussutissalerinermillu ingerlatsiviit imermik pilersuviinut ingerlatsisuusumit erngup akuinik pissusianillu misissueqqissaarnermi angusat, takuuk § 24 imm. 4, sukuluiagaanngitsup imerneqartartullu pitsaassusiinik naliliinissamut, takuuk ilanngussaq 2B-C, avatangiisinut naalackersuisoqarfimmut nalunaaruteqartassaaq tamakku takkunniariaraangata. Paasissutissanut taakkununga peqatigitillugu erngup sungarnissuanik pH-anik uuttuinerit aamma klor akuliussimangitsoq aalajangersimasorlu pillugit akoqarnerit nalunaarutigineqartassapput qitiusuunngitsumik nakkutilliinermik oqartussaasumut, kiisalu tappiorannartorsiulluni nakkutilliinermut ingerlanneqarsimasumut atatillugit. Uuttuisarnerit ingerlatsinermut allattaavimmut allanneqartassapput.

Imm. 2. Erngup akuinik pissusianillu misissueqqissaarnermik angusat takkunniariarpata qitiusuunngitsumik nakkutilliinerup tappiorannartorsiulluni misissueqqissaarnermik angusat erngup sukuluiagaanngitsup imerneqartartullu pitsaassusiinik nalilersuinissamut, takuuk ilanngussaq 2A, peqqinnissaqarnikkut nakkutilliisoqarfimmut, uumasut nappaateqartarneranni pissutsit pillugit naalackersuisoqarfimmut kiisalu ingerlatsisuusumut aamma Danmarkimi Inuussutissat pillugit aqutsisoqarfimmut nalunaarutigisassavai.

Imm. 3. Avatangiisinut uumasullu nappaateqartarnerini pissutsit pillugit Naalackersuisoqarfinnut nalunaarut elektronik atorlugu ingerlanneqarsinnaavoq. Elektronik atorlugu nalunaarutip isikkussaa qitiusumik nakkutilliinermik oqartussaasumit aalajangersarneqartassaaq.

§ 29. Nalinginnaasumik inuussutissalerinermillu ingerlatsiviit imermik pilersuviinut ingerlatsisuusoq ukiumut ataasiarluni imermik pilersuivinni ataasiakkaani erngup pitsaassusia pillugu nalunaarusiortassaaq. Nalunaarusiaq ukiumi ullorsiuteqarfiusumi tullerimi kingusinnerpaamik 1. juni nallertinnagu qitiusumik nakkutilliinermik oqartussaasumut nalunaarutigineqartassaaq.

Imm. 2. Imm. 1 naapertorlugu nalunaarusiaq makku pillugit paasissutissanik imaqaassaaq:

- 1) erngup pitsaassusia,
- 2) imermik pilersuinikkut piginnaasat erngup pilersuutigineqartussap annertussia eqqarsaatigalugu,
- 3) pilersuutigineqartutut erngup annertussusii,
- 4) innuttaasut qanoq amerlatigineri,
- 5) §§ 37-40 naapertorlugit immikkut akuersissutigineqarsimasut, aamma
- 6) nalunaarut manna naapertorlugu pitsaassutsikkut piumasaqaammut ataatsimut arlalinnulluunniit

sinniisimangitsunik, imermik pilersuinernut pitsaassutsikkut piumasaqaatit eqquutsinneqarnissaannut pilersaarutaasutut iliuusissat.

§ 30. Qitiusumik nakkutilliinermik oqartussaasoq ukiut pingasunngorneri tamaasa ataasiarluni ukiunut ullorsiuteqarfiusunut pingasunut matussusiisumik erngup pitsaassusia pillugu ataatsimoorussamik nalunaarusiortassaaq, piffissap nalunaarusiorfiusup kingorna ukiup ullorsiuteqarfiusup qaangiutinnginnerani tamanut nalunaarutigineqartartussamik. Nalunaarusiami siullermi ukiut 2008-miit 2010-mut matussusiivigineqassapput.

Kapiteli 8

Peqqussutit inerteqqutillu

§ 31. Qitiusumik qitiusuunngitsumillu nakkutilliinermik oqartussaasup nalinginnaasumik inuussutissalerinermillu ingerlatsiviit imermik pilersuiviinut, imermillu pilersuivinnut allanut ingerlatsisuusq, imermik pilersuivinnik allanik piginnittut, kiisalu illuni imermik atortulersuutunik piginnittut peqqusinnaavaat, erngup pitsaassusianik sukumiinerusumik misissueqqillugit aamma pitsaassuttip ajornerulersimaneranut pissutaasut pillugit imaattoqarsimappat:

- 1) ilangussaq 1A-C naapertorlugu erngup imerneqartartup pitsaassusissaanik piumasaqaatit arlaat unioqqutinneqarsimappat, aamma
- 2) nalilerneqarpat, erngup imertut imerneqartartut atorneqarnissaani peqqissutsikkut navianaateqarsinnaanera, takuuk ilanngussaq 3A.

§ 32. Qitiusumik nakkutilliinermik oqartussaasoq peqqussuteqarsinnaavoq ilassutaasunillu pitsaassusissamut piumasaqaatit aamma stoffinut tappiorannartoqarneranullu nakkutilliinermik periutsinik aalajangersaaqqusisinnaavoq, nalunaarummi matumani ilanngusani aalajangersarneqarsimangitsunik, nalilerneqassagaluarpat, ima annertussuseqarlutik akoqarlutilluunniit akuusut peqqissutsikkut navianaateqalersinnaallutik.

Imm. 2. Qitiusumik nakkutilliinermik oqartussaasoq misiligutissanik tigutsivissanik nutaanik aalajangersaasinnaavoq misiligutissanillu tigutsivioereersunik allanngortitsisinnaalluni, nalilerneqarpat taamaasiornissaq pisariaqartuusq.

§ 33. Qitiusumik nakkutilliinermik oqartussaasoq nalinginnaasumik inuussutissalerinermillu ingerlatsiviit imermik pilersuiviinut, imermillu pilersuivinnut allanut ingerlatsisuusq, imermik pilersuivinnik allanik kiisalu illuni imermik atortulersuutunik piginnittoq peqqussuteqarfigisinnaavai pisariaqartutut makkuninnga aallartitseqqullugu:

- 1) Erngup imerneqartartup pitsaassusianik qularnaarinnittunik utaqqiisaasumik iliuuseqaqqullugit.
- 2) Erngup imerneqartartup pitsaassusianik aalaakaasumik pilersitseqqinniarluni iluarsisutaasunik iliuuseqaqqullugit.

Imm. 2. Imm. 1 naapertorlugu peqqussuteqartoqarsinnaavoq, erngup imerneqartartup pitsaassusissaanut piumasaqaat eqquutsinneqarsimangippat ilanngussaq 1A-C naapertorlugu imaluunniit § 11 naapertorlugu nakkutilliineq tunngavigalugu, imaluunniit § 16 naapertorlugu ingerlatsinikkut nakkutilliineq malillugu, erngup imerneqartartup atorneqarnerani peqqissutsikkut navianartoqarsinnaaneranik takutitsisoqarpat.

§ 34. Qitiusumik nakkutilliinermik oqartussaasup peqqinnissaqarfimmi nakorsaaneqarfik tusarniareerlugu, imermik pilersuiveqarfimmit illulluunniit imermik atortulersuutaaniit erngup imerneqartartup atorneqarnissaa inerteqqutigisinnaavaa killilersorsinnaalluguluunniit, pineqartumi tassani atuinermi peqqissutsikkut navianaateqartoqarsinnaappat, pisariaqartunillu iluarsiiisutissanik iliuuseqartoqareernissaata tungaanut.

Imm. 2. Imm. 1-mit atuinermi eqqarsaatigineqassapput:

- 1) imermik imerneqartartumik atuijunnaarnermi killilersuilermilmuunniit peqqissutsikkut navianaateqartoqarsinnaanera,
- 2) atuisunut attorneqartunut ilitsersuineq ilisimatitsinerlu, aamma
- 3) atuijunnaartitsinerup killilersuinerulluunniit atuutsinneqarnerini, imermik imerneqartartumik allatut pilersorneqarsinnaanissap pilersinneqarsinnaaneranut periarfissat.

Imm. 3. Tappiorannartoqarsinnaaneranut sinniisoqarsimatillugu qitiusumik nakkutilliinermik oqartussaasoq kaammattuuteqarsinnaavoq imeq qalaattaqqullugu, takuuk ilanngussaq 1A-C.

§ 35. Nalunaarut manna naapertorlugu aalajangiinerit tamarmik pisarput Peqqinnissaqarfimmi nakkutilliisoqarfik siumoortumik tusarniareerlugu. Tusarniaaneq oqaasiinnakkut allakkatigulluunniit ingerlanneqarsinnaavoq apeqqutaatillugu suliaq qanoq nukingertiginersoq.

§ 36. Peqqinnissaqarfimmi nakkutilliisoqarfimmit, qitiusumik nakkutilliinermik oqartussaasoq isumasioereerlugu, qitiusuunngitsumik nakkutilliinermik oqartussaasoq peqqusinnaavaa nalinginnaasumik inuussutissalerinermillu ingerlatsivinnut imermik pilersuivinnik, imermik pilersuivinnik allanik aamma illunik piginnittunik § 11 imm. 3 naapertorlugu immikkut ittumik nakkutilliisoqarnissaanik, naliliisoqassappat, imermik imerneqartartumik atuneq tassanngaannaq peqqissutsikkut naviaanaateqalersitsisinnaasoq.

Kapiteli 9

Immikkut ittumik akuersissutiginnittarneq

§ 37. Qitiusumik nakkutilliinermik oqartussaasoq imermik pilersuivimmik ingerlatsisuusumit qinnuteqaateqartoqarnerata kingorna immikkut ittumik akuersissutiginnissinnaavoq erngup imerneqartartup, ilisarnaatitut aalajangiisartunik qalipaateqarneranik, tikkanik aamma mamassuseqarneranik, NVOC-mik, O2- mik atuinermik, iseriassuseqarneranik, kuuffigineqarsinnaaneranik, sungarnissusianik pH-mik, aluminiqarneranik, ammoniummeqarneranik, klorideqarneranik, savimineqarneranik, manganeqarneranik, sulfateqarneranik aamma natriummeqarneranik ilanngussaq 1B-mi aalajangersarneqarsimasunik, pitsaassutsimut piomasaaqatigineqartunik naammassinniissimangippat. Taamatut immikkut akuersissutiginninnissaq piomasaaqatitalerneqarsinnaavoq, sapinngisamik piaarnerpaamik iluarsiiisutissatut iliuuseqartoqarnissaanik pitsaassusissatut piomasaaqatigineqartumut naapertuuttunngortitsilluni ilisarnaatitut aalajangiisartutut pingaernerutitanik iluarsiiisuteqarnissamik.

Imm. 2. Imermik pilersuivimmit ingerlatsisuusumit immikkut ittumik akuersissutiginnittoqarnissaanik qinnuteqaateqartoqareernerata kingorna qitiusumik nakkutilliinermik oqartussaasup aamma Peqqinnissaqarfimmi nakkutilliisoqarfik tusarniareerlugu ilisarnaatitut

aalajangiisartunit piffissamut iluarsissuteqarnissap ingerlanneqarnissaanut pisariaqartinneqartumut immikkut ittumik akuersissutiginninnaavoq, naatsorsuutigalugu, pitsaassusissatut piumasaqaatit sinnerneqarneri peqqissutsikkut navianaateqannginnissaat.

Imm. 3. Taamatut pingaernerutitanik qaffaasinnaanissaq taamaallaat akuersaerneqarsinnaavoq, sumiiffimmi pineqartumi imermik pilersuineq ingerlanneqarsinnaassanngippat, imaluunniit imermik pilersuiveqarfimmit iluarsaassisoqassappat assigisaanilluunniit suliarinnittoqassappat.

Imm. 4. Pingaernerutitat annertunerpaavanni immikkut ittumik akuersissutiginninnermini qitiusumik nakkutilliinermik oqartussaasumit nalunaaruteqarnermi, erngup pitsaassusaanik aamma iliuusissanik piffissamut immikkut ittumik akuersissutiginniffiusumut atuuttussani nakkutiginninnermut nakkutilliinissamik pilersaarummik akuersissutiginnissaaq.

Imm. 5. Ingerlatsisuussumit immikkut ittumik akuersissutiginnittoqarniariarnerani, imermik pilersuivimmit atuisut ilisimatissavai immikkut ittumik akuersissutiginnittoqarsimaneramik taamaasiornissamilu piumasaqaatigineqartut pillugit.

§ 38. § 37 naapertorlugu immikkut ittumik akuersissutiginninnerit utaqqiisaasumik atuuttuupput tunniunneqartarlutillu naatsorsuutigalugu, pitsaassutissatut piumasaqaatinik sinniisimanerit, ilanngussaq 1B naapertorlugu, peqqissutikkut navianartorsiortitsisuunngitsut, aammalu iluarsissutissatut iliuuseqarnissamut pilersaaruteqartoqartoq.

Imm. 2. Immikkut ittumik akuersissutiginnittoqartarsinnaavoq sivisunerpaamik ukiunut pingasunut.

§ 39. Immikkut ittumik akuersissuteqarnissamut qinnuteqaat paasissutissanik tulluuttunik imaqassaaq:

1) Immikkut ittumik akuersissutiginninnissamut pissutaasut qanorlu sivisutigissanersoq.

2) Erngup pitsaassusissaanut piumasaqaatit pineqartumi atuuttut, siusinnerusukkut misissueqqissaarsimanermi angusat attuumassuteqartut aamma erngup pitsaassusaanik piumasaqaataasunik annertunerpaatut akuersissutigineqarsimasunik sinniisinaanissamik kissaateqarneq.

3) Nunap sananeqaataatigut sumiiffik imermik sukuluiaagaanngitsumik pissarsiffiusartoq pineqartoq nalunaarlugu, aamma erngup ullup tamaasa pilersuutigineqartartup annertussusia innuttaasunut aamma inuussutissalerinermik ingerlatsivimmut pilersuutigineqartartumut agguataarlugu.

4) Nakkutilliinissamut pilersaarut, pisariaqassappat nakkutilliinerup akulikissusia akulikinnerulersillugu.

5) Pisariaqartutut iluarsissuteqarnissami iliuitsinik aallartitsinissamut piffissaliussatut aamma iliuuseqarnissatut pilersaarut erngup pitsaassusaanik qularnaarinnittusoq pilersiteqqittuusorluunniit.

6) Pisariaqartumik iliuusissanut pilersaarusernerup ataatsimut katinneqarnerat.

Imm. 2. Qinnuteqartumit namminermit paasissutissat attuumassuteqartut tamaasa qitiusumik nakkutilliinermik oqartussaasumut suliamik suliarinninnissami atugassat tunniunneqassappat.

§ 40. Qitiusumik nakkutilliinermik oqartussaasup naliliinera naapertorlugu imermut imerneqartartumut pitsaassusissatut piumasaqaatit arrortinneqarsinnaanngitsunik ilisarnaatitut

uuttuut/aalajangiisuusoqinik/aalajangiisuusunik sinniisoqarsimasoq, ilanngussaq 1B naapertorlugu, peqqissutsimut navianaateqanngitsumik, aammalu iluarsissutissatut iliuitsit sivisunerpaamik ullut 30-it iluini iluarsissutigineqarsinnaappata, §§ 39 aamma 40 atornagit immikkut ittumik akuersissutiginnittoqarsinnaassaaq. Immikkut ittumik akuersissutiginninnermi

nalunaarutigineqassapput:

- 1) pingaernerutitatut qummut akuerineqarsinnaasut, aamma
- 2) ajornartorsiummik iluarsissuteqarnissamut piffissaliussa.

Imm. 2. Tappiorannartoqarsinnaaneranik uuttuutunik/aalajangiisuusunik pitsaassutsimut piumasaqaatitsigut immikkut ittumik akuersissutiginnittoqarsinnaangilaq, takuuk ilanngussaq 1A.

Imm. 3. Imm. 1 naapertorlugu immikkut ittumik akuersissutiginnittoqarsinnaangilaq, imermik pilersuivimmi aalajangersimasumi erngup pitsaassutsissaatut piumasaqaatit taakku qaammatit qaangiuttut 12-it ingerlanerini katillugit ullunik 30-inik amerlanerusunik sinnerneqartarsimappata.

§ 41. Imermut imerneqartartumut puiaasanut allamilluunniit poorlugit tuniniarneqartartunut pitsaassutsikkut piumasaqaatit immikkut ittumik akuersissuteqarfigineqarsinnaangillat.

Kapiteli 10

Naammagittaalliorsinnaatitaaneq

§ 42. Nalunaarut manna naapertorlugu aalajangiinerit naammagittaalliuutigineqarsinnaapput Inaatsisartut avatangiisitigut naammagittaallioarnermi ataatsimiititaliaanut avatangiisit illersorneqarnissaat pillugu inatsisartut peqqussutaanni tamanna pillugu nalinginnaasumik malittarisassat naapertorlugit.

Imm. 2. Taakkununga ilaatinneqangillat aalajangiinerit § 11, imm. 1, § 14 imm. 1, §§18-30 naapertorlugit aalajagiunneqarsimasut taakkulu inuussutissanik uumasullu nappaataannik nakkutilliineq pillugu inatsisartut peqqussutaanni tamakku pillugit nalinginnaasumik malittarisassat naapertorlugit Naalakkersuisunut naammagittaalliuutigineqarsinnaapput.

Kapiteli 11

Pineqaatissiisarnermut aalajangersakkat

§ 43. Akiliisussanngorlugu eqqartuunneqarsinnaavoq inuk:

- 1) §§ 15-24 naapertorlugit erngup pitsaassusaanik misissueqqissaarnernik isumaginninngitsoq.
- 2) §§ 26-29 naapertorlugit qitiusumik nakkutilliinermik oqartussaasumut nalunaarutiginninngitsoq.
- 3) § 28, imm. 1 aamma § 29 naapertorlugit imermik atuinermik nakkutilliinngitsoq imaluunniit nalunaarutiginninngitsoq.
- 4) §§ 31-34 aamma § 36 naapertorlugit aalajangiinernik sumiginnaasoq.
- 5) § 15 aamma §§ 27-29 naapertorlugit nalunaarsuinernik angusanilluunniit paarinninngitsoq, imaluunniit tamakkuninnga qinnuivigininneq malillugu takutitserusunngitsoq.

Kapiteli 12

Atortuulersitsineq ikaarsaariarnermilu aalajangersakkat

§ 45. Nalunaarut 1. marts 2008 atortuulerpoq.

Imm. 2. Peqatigitillugu "Erngup imerneqartartup pitsaassusaanut taassuminngalu nakkutilliinermut

malittarisassat" Naalakkersuisunit ulloq 27. august 1990-imi akuersissutigineqarsimasut kiisalu Kalaallit Nunaanni nakorsaqaarfinni imermik misissuisarneq pillugu Nakorsaaneqarfiup kaajallaasitaa nr. 20, 26. januar 1990-imeersoq.

Imm. 3. §§ 26 – 30 aatsaat atortuulissapput 31. december 2008, taamaasilluni § 30 naapertorlugu erngup pitsaasusia pillugu ilisimatitsissut tamanut saqqummiunneqassalluni siullermik ukiumi 2009-mi.

Imm. 4. Kalaallit Nunaanni nakorsaqaarfinni imermik misissuisarneq pillugu Nakorsaaneqarfiup kaajallaasitaa nr. 20, 26. januar 1990-imeersoq naapertorlugu aalajangiinerit atuupput, nalunaarut manna naapertorlugu allamik aalajangiisoqarnissaata tungaanut.

§ 46. Kapitali 5 aamma nalunaarummi matumani ilanngussat naapertorlugit imermik pitsaassutissatut piumasaqaatit eqquutsinneqarsimasussat, eqquutsinneqarsimassapput kingusinnerpaamik 1. januar 2009, §§ 37 - 42 naapertorlugit immikkut ittumik akuersissutiginnittoqarsimatinnagu. Piffissap tamatumap tunngaanut manna tikillugu pitsaassutissatut piumasaqaatit atuuttut eqquutsinneqarsimassapput.

Imm. 2. Nakkutilliinermut programmit, nalunaarummi matumani kapitali 5 aamma 6 ilanngussallu naapertorlugit suliarineqarsimasussat, kingusinnerpaamik atortuulersinneqarsimassapput ulloq 1. august 2008-imi. Taamatut nakkutilliineri programmi atortuulersinneqarnissaasa tungaannut, manna tikillugu nakkutilliinermut programmit atuuttut atuutsiinnarneqassapput.

Namminersornerullutik Oqartussat, ulloq 17. marts 2008

Kim Kielsen

/

Steffen Ulrich - Lyngø

Ilanngussaq 1a (pdf-format)

Ilanngussaq 1b (pdf-format)

Ilanngussaq 1c (pdf-format)

Ilanngussaq 2a (pdf-format)

Ilanngussaq 2b (pdf-format)

Ilanngussaq 2c (pdf-format)

Ilanngussaq 3a (pdf-format)

Ilanngussaq 3b (pdf-format)

Ilanngussaq 4 (pdf-format)